

آبونه شماره اظہار

ممالك عثمانیه دہ سنہ لکی (۶۵)، آلتی
آیلنی (۳۵) غروشدور .
ممالك اجنبیہ دہ سنہ لکی (۱۷)، آلتی
آیلنی (۹) فرانقادر .

اداره خانه

باب عالی جادہ سندہ دائرہ مخصوصہ

اظہارات

آبونه بدلی پیشیندر

§

مسلكه موافق آثار مع الممنونیه قبول
اولنور . درج ایدلہ یں یازیلر اعادہ
اولونماز .

الکشاف

۱۳۳۰

دینی، فلسفی، علمی، ادبی ہفتہ لقی مجموعہ اسلامیہ در .

بہ عون اہدکم سبیل الرشاد

باش محرر
محمد عاکف
صاحب و مدیر
ع . اشرف ادیب

واللہ یمہدی من یشاء الی صراط مستقیم

جلد ۱۳

۱۹ ربیع الاول ۱۳۳۳ پنجشنبہ ۲۲ کانون ثانی ۱۳۳۰

عدد ۳۲۵

اکبر» . غزا میدانلرینه ، جنان شهادته قوشدوران سنسین ! خلاصه : « وکفی الله المؤمنين القتال وکان الله قویاً عزیزاً » سنک ازلی سوزک ، سنک ابدی وعد کریمکدر .

سن محیط اسلامیتده ابدیاً مجرا بولامایاجق قومیت جریانلرینه موهوم عرقی رابطه لره رغماً « اتحاد اسلام » ی درعهده ایلدین . او روح نائی اویاندیردین . « والقینا بینهم العداوة والبغضاء الی یوم . القيمة کما او قدوا ناراً للحرب اطفاءها الله » مژده ازلیسنک ناصیل غیر قابل انکار بر حقیقت اولدوغنی بر داهای اثبات ایتدین ! خلافت مقدسه احمدیه یی و او امانت کبرانک حاملی اولان ممثل استقلال اسلام بو سلطنت معظمه عثمانیه یی استحکار و تذلیلک نه عفو اولونماز بر جنایت اولدیغنی مغرور و متحکم دشمنلرینه کوستر دین . یارب ! خلافت اسلامیه نک یکانه تمثال استقلال و شوکتی ، وجود اسلامک ناصیه عزو شانی اولان امیرالمؤمنین ، امام المتقین اقدیمز حضرتلری آرزو ایتدیکن « اتحاد اسلام » ک اکالنه ، جهان کیرانه دورلر ایجادینه موفق ایله !

محمد فخرالدین

اتحاد اسلام

اسلامده جنسیت و قومیت یوقدر

ازمیر مبعوث محترمی عیدالله اقدی حضرتلرینک بر مقاله فاضلانلرندن بر پارچه :

اسلام دنیای فنیج ایده جکدر . فقط قلیجه دکل ، بلکه نور حقیقتله فتح ایده جکدر . زیرا دین اسلام انسانلر ایچون دین طبعیدر . بونی یالکز بز سویلوروز . حکیم مشهور (ارنست رنان) « انسانیتک مستقبله دینی دین اسلامیتدر » دیشدر .

مسلمانلرک قواعد عقل و حکمته موافق اولدیغنه یقیناً اعتقاد ایدن مسلمانلر بولردن عبرت آلی و عصره نرک معقولات دوری اولدیغنه هیچ شبهه ایتمه لمیدر . اسلامک بوکون قوتی ، تمثال حاکمیتی دولت عثمانیه در .

دولت عثمانیه نک منبع قوتی ، مدار قوامی اسلامدر . کیم نه دیرسه دیسون حقیقت قطعیه شودرکه اسلام ترقی ایتدیکه دولت علیه قوتلنه جک ، دولت عثمانیه نک قوت و سلاطتی تزايد ایتدیکه اسلام فوز و فلاح بوله جقدر .

اسلامک قوتی اتحادده در . اتحاد حقیقی اتحاد قلوبدر . اتحاد قلوب ایسه بین المسلمین اسلامک ظهورندنبری موجوددر . بوندن طولاییدرکه دنیاده نازمان اسلام دولتلری یبندمه محاربه وقوع بولش ایسه بو محاربه لره حقیقی طرفه بیله حقیر طرف قدر مسلمانلرک قلی قیراشدر . یتنه بوندن طولاییدرکه بوکون عالم اسلامک هانکی قسمنده بر جزء مسامینه لاحق اولان مصیبت بتون عالم اسلامی دلخون ایدیور .

بز عالم مادیاتده بولبوروز . عالم مادیاتده اتحاد قلی فعلیاته مقارن اولدقجه بر نمره ویره مر . بوطالده جلب مصلحت و دفع مضرت یالکز تمایلات و عواطفله ممکن دکدر . بو تمایلات و عواطفک موجود اولدیغنی آتجی آثار فعلیه سی ایله ظاهر وثابت اولور .

وسعدتی نامنه میدر ، یوقسه ، آنجا ، وحدت اسلامیه و ملیه مرزی زهرله مک ، بوغمساق ، تولدورمک و صوکر ا بزى لقمه لقمه یوتماق ایچین می در ؟ ...

جبر و تحکمنک قیر یلاز ظن اولونان ده میر اللریله زواللی وطنمیزک هر طرفنده تأسس ایتش اولان بوشقاوت مدنیه بنالردن ، بوملعت دارالندوه لرندن ، ایشته جناب حافظ اسلامیت شو « جهاد اکبر » شرفنه بزى قورتاردی . او نیلان سورولری ، او عقر ب کومه لرینی بر تذلیل قهارانه ایله ایچمزدن دفع و رفع ایتدی و او محشم مؤسسانی نوردیده لریمیزک تربیه و تحصیلرینه تخصیص ایله بغیر حق طاشیدیقلمری عنوان معرفت و فضیلتی تصحیح بویوردی . بو آرواح خیشته کتله لرینک اسلامیه و مسلمانلره نه مدھش شیاطین اغوا و تضلیل اولدقلمری ، اوزون سنلردنبرو اسلامیت می تسمیم ، کعبه ایمان می تخریب ایله انقاضی اوزرینه صلیبی طاقاق ، بزى شرقک فرانسزی ، انگلیزی یا می ایچون نه یامان بر غیرت مفرطه ، بر سعی مضاعفه جالیشدیقلمری داهای کچن کونلرده مطبوعات بر لسان تاهفله یانه یاقيله سویله مدیمی ؟

اللهم ! سن نه بویوکسین ! سن نه ازحم الراحینسک ! سن ، سوزکده نه دوغروسین ! سن ، وعدکده نه کریمسک ! عجبا بز عاجز قوللرینه براقش اولایدین ، اوقایتولاسیون زنجیرلری بونیزدن چکوب آلاق پارچالایه بیلیر ، اوللری پارسک سیای مغرورینه ، لوندره نک چهره منجوس و مردارینه فیرلاتا بیلیر میدیک ؟ عجبا بز بیچاره لره قالسه مکتب معرفت ، مکسب مدنیت نامی آلتنده اوشقاوت اوجاقلری ، اوتنصر وارتناد دارالندوه لرینی تطهیر ، عنوانلری تصحیح ایله اولادلریمزه تخصیص ایده بیلیر میدیک ؟

دونکی بالقان فلا کتنده لوندرده « هیکل صلیب » کمال ذلت و مقهوریتله خلافت محمدیه نک تسایم ایلدیکی ، انگلیزلره خاص بر کین ماعونانه ایله ، تصویر اولونان « سیف اسلام » باقیکز ، باقیکز ناصل نیامندن صیریلدی ! ناصل غالب لرینک فوق سرنده بارقه لر صاچبور ، صاعقه لر یاغدی ریور ! قهر و انتقام آتشاری بوسکور ریور !

اللهم ! سه وکیلی پیغمبر ذیشانک یدیمین شهادته و یردی ک بو قلیجی سن چکدیر دین دکل ؛ سن بونک حقنی ویره جکسین دکل ؛ سن بونک ناصیل بوکولز ، قیر یلاز بر سیف قهر و انتقام اولدیغنی موسقوفه ، فرانسزه ، انگلیزه کوستره جکسین دکل ؛

بوتون بوخوارق شئونک خالق یکانه سی سنسین ! « جهاد اکبر » اعلان ایتدیرن سنسین ! « ولتجدن اقربهم مودة للذين آمنوا الذين قالوا انا نصارى » دی به قلبنه حب اسلامی الهام ایتدی ک حق شناس ، انسانیت پرور آلمانلری بزه متفق و ظهیر ایدن سنسین ! عصرلردنبرو بر برینه یان باقان عناصر اسلامیه یی توحید ایدن ، اتحاد ایتدیرن آنلری بر روح ، بر قلب ، بر فکر ، بر امل یایان ، انلری « جهاد

برقادرین در . او، آشیان ابدیسی امتک صاف و درخشان قلبنده تأسیس
ایتمش بر والدہ در . عایشہ ، او بویوک مسلمان قادینی دهرک الک کوکل
اینجیدن کدرلرینه معروض قالمش؛ کتاب حیاتی امتک کوزیاشلریله
یازمش ؛ مقبوس ملتیزی ، ملیت اسلامیہ مزنی کنجلیکک ساز
درونیله ترنم ایتمش الہی بر شاعرہ در . روح ایلہ و بوتون بنم کبی
قرآندن ، عشق محمدیدن فیض آلان روحلر ایلہ اوروک کزین
آرمسندہ ازلی بر آشنالقی ، لایترزل بر رابطہ واردر . اوندہ کی بوتون
محاسن ، قدسیت لاهوتیہ نک اکمل کالندن مقبوسدر . اونک روحنہ
شعلہلر صاچان نور ، نور الہی در . بونوردن بی نصیب و محروم یبانهچی
روحلرلہ بر مسلمان روحی آرمسندہ بالطبع هیچ بر آشنالقی ، هیچ
بر صمیمیت اولہ ماز . ملتک روحیہ ہم آہنک اولمایان اوقیل بی نصیبلرک
دیللرندن ، قلملرندن دوکولن لککلر کندنی اتکلرینی بولاشدیرمقدن
باشقہ هیچ برقیمتہ مالک دکلردر . مسلمان قادینی اودرکہ سوزلرنده
نور ایمان ، ناصیہ سندہ ادب اسلام منجلی اولور . ہر حال ، ہر وضعی
عفتک تمثالنی تجسیم ایدر . حضور عصمتندہ بوتون روحلر ، قلبلر
حرمتدن ، تقدیسدن باشقہ برحسلہ متحس اولماز .

ایشتہ عایشہ ، دیار مصرک بو بویوک شاعرہ سی مسلمان
قادینلرک بر انموذج کمال و محاسنی در . ادیب کچین نیجہ قادینلر
واردرکہ اونک حضور عصمتندہ ، حضور ادب و علمندہ شق شقہ
ایتمہ بیسہ مقتدر اولہ مازلر . غیر مؤمن محیطلردن طویلانان اوج
بش کلہی بر آریہ کتیرمکلہ کندینی برشی ظن ایدنلر بو بویوک روحی
تابع ایتمی دہ پر مسلمان قادینندہ منجلی اولان فضائل و محاسنی ،
افکار عالیہ و منورہی کورملی در .

بز دائماً بو محترم والدہ مصرک حضور فضیلتندن اقتباس فیوض ایتہی
جانہ منت بیلیردک . ہر نزمان اونک نشیدہ ایمانی دیکلہ سہک روحز
الہی بروجد ایچندہ چالقسانیردی . او ، بزہ نلردن بحث ایتمزدی .
بوتون دردلر مزنی بیلیردی . بعضاً لطیف بر شعر ایلہ روحزہ بر
سلسیل نور دوکر ، بزنی مست ایدردی . بعضاًدہ الک غامض مسائلک
قارا کلقلرینہ نور جوال ذکاسنی انفاذ ایدہرک الک بلند حقیقتلرک نقاب
مظلمنی یترار ، بزنی ارشاد ایدردی .

بر کون آرقداشلردن بری مستوریت علیندہ اوزون بر بحث
آچدی . عائشہ سوکنہ قدر دیکلہ دی . فقط جوابی تقدیر مسکت ایدی .
بزہ « بیدالعفاف أصون عز حجابی = بن عفافک سطوتیلہ عزت حجابی
صیانت ایدرم » مصراعیلہ باشلایان بر بدیعہ غرای اوقودی . تقدیر آتمزی
رفقادن برینک بر مناسبت طولانیسیلہ « ملیت » بحثنہ کیریشمی آنجق
طور دیرہ بیلدی . « ایمان ملی » مسألہ سی موضوع بحث اولونجہ عائشہ
بزہ « ایمانک » فلسفہ سی نہ قدر واضح تلقین ایتدی :

اتحاد اسلامی تأسیس ایتک و آثار فعلیہ سی کوسترمک بوکون ہر زماندن
زیادہ فرضدر . چونکہ بوکون عیان بیان ظاهر اولدی کہ عالم مدینت
دیدیکمز عالم نصرانیت ممالک عثمانیہ دہ بر حکومت مشروطہ تأسیسندن هیچ
نمون اولدی .

ینہ بوکون عیان بیان ظاهر اولدی کہ عالم نصرانیت بیک درلو حیل و دسیاسلہ ،
یاعہ مدینت و انسانیت شریترلرلہ مسلمانلرک آرمسندہ دینی مہمل بر حالہ کتیرمکلہ ،
دین ایلہ سیاست آیریدر دیہرک مسلمانلری تسمیہ چالیشور .
ینہ بوکون عیان بیان ظاهر اولدی کہ عالم نصرانیت مسلمانلرک آرمسندہ
قومیت و جنسیت لہی زویراتلہ ظاہر دہ جمعیت اسلامیہ مذہب مناقبینی آلت
ایدہرک تفرقہ صوفیہ چالیشور .

دین اسلام یالکز آخرتہ متعلق بر طاقم نصایحندن عبارت اولیوب اجتماعاتلہ
سیاسیات دخی دیندہ داخلدر . بوندن طولانی (دین و ملت ایکسی بر در)
سوزی اسلامدہ اصل الاصول سیاستدر .

دینک سیاسیاتدہ بی طرف قلمی لزومنی ادعا ایدنلرہ شورادہ فیلسوف
زمان تولستویک اسلاو قونفرمسنہ یازدینی مکتوبی نقل ایدہرم . تولستوی
اقوامک اتحاد و امتزاجنہ خدمت ایدہرک اولان اتحاد اسلام قونفرمسنی تبریک
ایتدکدن صکرہ دیورکہ : « نیجہ بدمیرتک سکون و استراحتنی تأمین ایدہرک
اولان یگانہ اتحاد ، اتحاد دیندہرہ »

از میر معونی

عید اللہ

تعارف اسلام

مصرک بویوک شاعری : عائشہ

— شاعر داهی عبدالحق حامد بک —

نیل وادیسنک ، میلیونلرچہ اسارتزدہ مسلمانلرک کانلی کوز
یاشلرینی دریالرہ ، دریالرک خونین امواجیلہ دار الخلافہ قابولرینہ نقل
ایدن اونہر مبارکک کوموش قدر صاف ، اینجی قدر پارلاق قوملی
ساحللرندہ ؛ مظلوم اولادینک فغانلرینی لایقطع ولولہلرلہ کوکلرہ
ایصال ایدن خورما آغاچلرینک اوزون کولکلرلی آلتندہ ؛ عصمت
کفتنہ بورونمش یاتان نالہ کمنان روحنک ماتمی شہقہلرلہ ترتیل
ابتدیکی آیات حربت ہر شفق بنی غشی ایدر ؛ نیلک منور خاطراتیلہ
ہجرانزدہ قلبی کام اوزون اوزون آغلاتیر ، کام پیش خیالہ مستقبلک
نورلی افقلرینی آچہرق کولدورور . زمان اولورکہ روح بوتون
علائقندن صیریلہرق لایتناہی برفسحت ایچندہ طیران ایدر ؛ اووقت
لسانم ابکمدر . زمان اولورکہ قنادلرم بر ضربہ ایلہ مجروح اولور ؛
کندمی طور اقلاردہ کورورم ؛ اووقت بوتون موجودیتیم فریاد ایتک
ایستر ، کتاب حیاتم بوتون صحائف کدر و سروریلہ قارشیمدہ تجلی
ایدر ، منکشف اولور . اوندن بریایراق قوباریر ، جریحہ می صارارم .

عایشہ ، نیلک اوابد قرین شاعرہ سی نہ بویوک بر روحدر . او ،
الک بوکسک قادینلق فضیلتلرینی الک علوی معناسیلہ تمثیل ایدن سہایاہ